

**ANA MRNJAVAC**

Predsjednik Skupštine SS UINO BiH.  
Šef Grupe za kontrolu, Odsjek za carinske poslove  
RC Sarajevo, Zmaja od Bosne 47b.  
71000 SARAJEVO, BIH  
Tel: 033 246 116, Fax: 033 246 110  
Mob: (+387) 61 480 678  
E-mail: [ana.mrnjavac@uino.gov.ba](mailto:ana.mrnjavac@uino.gov.ba)



**BOSNA I HERCEGOVINA**  
**MINISTARSTVO PRAVDE**  
**UPRAVNI INSPEKTORAT – UPRAVNA INSPEKCIJA**  
Glavni upravni inspektor  
g-din, Emir Mehmedović  
Trg Bosne i Hercegovine broj 3/XV,  
71000 Sarajevo

**Predmet: ZAHTJEV za inspeksijski nadzor**

Obraćam se ovim Zahtjevom sa molbom da, u skladu sa Zakonom o udruženjima i fondacijama Bosne i Hercegovine, uključujući i Zakon o izmjenama i dopunama Zakona o udruženjima i fondacijama („Sl. glasnik BiH, broj 32/01, 42/03, 63/08, 76/11 i broj 94/16) – u daljem tekstu: Zakon, izvršite nadzor nad zakonitošću rada Samostalnog Sindikata UINO BiH, pod registarskim brojem 658 Knjiga 1 Registra, od 30.01.2008.godine, a koji je Rješenjem broj: 08-07-1-131/07 od 29.01.2015.godine upisao promjene (u prilogu), u skladu sa istim.

Želim napomenuti da sam na Redovnoj sjednici Skupštine SS UINO BiH od 06.06.2016.godine izabrana na mjesto: Predsjednika Skupštine SS UINO BiH, a do tada nisam znala niti imala bilo kakve informacije o radu SS, misleći da se sve odvija ispravno, transparentno i u skladu sa pozitivnim zakonskim propisima.

Međutim, nedugo nakon toga uočila sam niz nepravilnosti, kojima je direktno povrijeđen i Statut, a i Zakon, od čega ovim putem posebno ističem:

1. “Rad registriranog udruženja ili fondacije mora biti javan i transparentan”, član 6 Zakona. – Rad SS UINO BiH nije transparentan, niti javan. Sve se zasniva na odlučivanju, rukovođenju i davanju iskaza u javnost od strane jednog lica: Predsjednika SS UINO BiH. Sve što je bitno u radu SS nedostupno je ostalim članovima SS, nisu informirani, niti imaju bilo kakva saznanja o radu SS (utrošku sredstava, članstvu i sl... . Jedine informacije do kojih se dolazi u javnosti su izjave u medijima, plasirane od strane predsjednika, g. Mehmedalije Osmić.
2. “Udruženje mora voditi spisak svojih članova...” – član 15.stav (2.), kao i stav (3): “Popis članova mora biti dostupan na uvid nadležnim organima na njihov zahtjev”, uz napomenu da ni taj podatak nije dostupan niti javan (nije na web.stranici SS UINO BiH), nije poznat ostalom članstvu, uključujući i mene kao Predsjednika Skupštine SS UINO BiH. U vezi s tim potrebno je provjeriti liste članova SS, da li su ažurne, pogotovu ako se uzme u obzir činjenica da su pojedini službenici UINO BiH potpisali pristupnice u 07. i 08. Mjesecu, a da i više mjeseci nisu (do moje intervencije Sekretaru SS) uopšte bili uključeni u SS, čime se dovodi u pitanje član 47. stav (8) pod f) Zakona
3. Nadalje, vezano za član 47. Zakona ističem sljedeće:
  - a. Iako sam 06.06.2016.godine izabrana na mjesto: Predsjednika Skupštine SS do danas nisam dobila Odluku, niti je prethodni predsjednik (Mario Nevjestić, koji je otišao u mirovinu) dobio odluku o razrješenju dužnosti, a kako je navedeno u Zapisniku sa redovne Skupštine (koji dostavljam u prilogu), čime je direktno narušen član 47. stav (8) pod a) Zakona, - zapravo, ne znam da li je u Vašem Ministarstvu uopšte i izvršena prijava izmjene lica: Predsjednik Skupštine?!
  - b. Slijedom istog, a kako što se može vidjeti iz Zapisnika sa 3.Redovne Skupštine (u prilogu): SS UINO BiH ne vodi poslovne knjige u skladu sa članom 47. Stav (1), Zakona., u zadnje tri godine

svoga rada nije napravio, niti prezentirao ni jedan Finansijski izvještaj, čime je direktno prekršen Član 5. stav 4., kao i član 47.stav (8), pod e) Zakona. Tu je potrebno nagasiti da su i svi članovi (izvan rukovodećih tijela SS...) nezadovoljni iz razloga što nemaju uvida u finansijske tokove i raspored sredstava SS, a o čemu isključivo odlučuje Predsjednik SS, preko "formalno postavljenih" njemu bliskih članova odbora SS, usljed čega dolazi do masovnog rasipanja članstva i napuštanja SS a sam Sindikat je izgubio povjerenje i ne obavlja svoju zadaću u skladu sa obavezama opisanim u Statutu.

- c. Također, direktno je narušen I član 47.stav (3), Zakona, obzirom da rad i informacije o radu SS UINO BIH nisu dostupne javnosti, niti su u skladu sa pozitivnim zakonodavstvom.
- d. U vezi s tim, mišljenja sam da bi trebalo preispitati Statut u svim njegovim odredbama, posebno član 34. koji Predsjedniku SS daje velika ovlaštenja i po kojem isključivo Predsjednik donosi sve odluke i rješava o svim pitanjima iz djelokruga rada SS, uz "zadovoljavanje forme" (preko bliskih, od njega samog postavljenih, članova u organe SS), a bez ikakvog upoznavanja ostalih članova SS.
- e. U SS UINO BiH Predsjednik SS je "vlasnik" pečata (u pravom smislu riječi: pečat fizički nosi sa sobom), a Statut mu to direktno omogućava kroz član 34. Stav 1. tačka 15. (što generalno nije u skladu sa zaštitom i načinom čuvanja pečata...).
- f. Kao što se vidi iz samog zaglavlja Statut se donosi, citiram: "Na osnovu čl. 23. Statuta Samostalnog sindikata državnih službenika i zaposlenika Upravi za indirektno oporezivanje Bosne I Hercegovine...", gdje je nelogično da se akt donosi na osnovu člana kojeg sam i propisuje...
- g. Član 37. Statuta SS UINO BiH nikada od strane Predsjednika nije ispoštovan, odnosno nikada članove SS UINO BIH nije informisao o svom radu ili o radu bilo kog organa Sindikata. Sve informacije dolaze iz medija, gdje Predsjednik prikazuje sasvim pogrešnu sliku o Sindikatu, obmanjujući na taj način javnost i sve nadležne, uključujući i Vaše Ministarstvo, a riječ je o samovolji i uzurpaciji vlasti od strane jednog lica u cjelokupnom Sindikatu.

Obzirom da po Zapisniku sa 3. Redovne Skupštine SS UINO BiH ništa nije urađeno, to sam svim nadležnim u SS uputila Upit o postupanju po zaključcima (u prilogu), na koji se niko nije odazvao, niti na bilo koji način odgovorio.

Kako smatram da je provođenje Vašeg inspekcijskog nadzora jedini pravi put i način da se ispoštuje zakonitost u radu SS UINO BiH, a ujedno poštujući član 47. Stav (8) Zakona, to Vam se na ovaj način obraćam i na Vašem angažmanu se unaprijed zahvaljujem,

Prilozi: kao u tekstu,

Sarajevo, 05.01.2017.godine

Podnosilac zahtjeva:



Sarajevo, 10.02.2017.  
broj: 03/6-3/II-02-2-165/17

BOSNA I HERCEGOVINA  
MINISTARSTVO PRAVDE  
UPRAVNI INSPEKTORAT – UPRAVNA INSPEKCIJA  
Glavni upravni inspektor  
g-din, Emir Mehmedović  
Trg Bosne i Hercegovine broj 3/XV,  
71000 Sarajevo

**Predmet: DOPUNA ZAHTJEVA (od 05.01.2017.godine) za inspekcijski nadzor**

Ovim putem želim izvršiti dopunu prethodno upućenog Zahtjeva za inspekcijski nadzor, te ujedno ukazati na potrebu za inspekcijskim nadzorom i u ovom dijelu, vezano za procedure i radnje S.Sindikata UINO BiH:

1. Želim skrenuti pažnju na proceduru i način izbora članova rukovodstva Sindikata (Skupštine i svih ostalih tijela). Zapravo, procedure nije ni bilo. M. Osmić je Rješenjem Suda dobio legalitet u radnjama vezano za Sindikat UINO BiH, ali nije dobio pravo da formira svoj "privatni Sindikat". Dobivši legalitet suda –**ništa nije učinio da dobije legalitet svih nas uposlenih u UINO BiH!**

M.Osmić je svakoga od trenutnih članova lično (telefonski) kontaktirao i lobirao, kako bi prihvatili funkciju ulaska u rukovodstvo Sindikata. Taj proces je sproveden tajno, bez uključenja svih službenika UINO i bez davanja mogućnosti da sve organizacione jedinice, preko svojih regionalnih centara, kao i Središnjeg ureda, direktno učestvuju u izboru svojih predstavnika u Sindikat. **Niko u Skupštini i ostalim tijelima nije izabran – svi su postavljeni na te funkcije od strane Osmića.** Sama procedura postavljenja dovodi ih u neravnotežan položaj spram Osmića: na sastancima on vodi glavnu riječ, ne dopuštajući nikome da iznese svoj stav ili mišljenje i sve završava na takav način. Više se bavi „kriminalom i korupcijom“ nego poslovima iz radnog odnosa i zaštitom ljudi koje navodno predstavlja. Tu i tamo zaštiti sebe i ponekog pojedinca – čisto da se ima čime hvaliti (ali o svemu odlučuje lično on). Usljed toga su svi u službi nezadovoljni... Kako je izvršen izbor – ne identičan način Sindikat i radi: sve odluke provodi bez upoznavanja javnosti i članova od kojih uzima članarine i na taj način „funkcioniše“.

Pitam Vas: da li je ta procedura ispravna i zakonski utemeljena?

Usput, navodim jedan primjer: član 26. Statuta: jasno je da 2 čovjeka mogu donijeti bilo koju odluku vezano za Sindikat, pa čak mogu i isključiti člana Sindikata (kao što su i učinili u mom slučaju), Naime, Upravni odbor broji 5 članova, predsjednik i četiri člana, (izabrani od strane Osmića...) . Sastanak se može održati sa natoplovičnom većinom (3 člana). Odluke se donose ukoliko natpolovična većina prisutnih da svoj glas (2 člana).

Pitam Vas: Da li je to zakonski utemeljeno da dvije osobe (koje nisu izabrane kao predstavnici iz organizacionih jedinica UINO) mogu odlučivati o svim statusnim pitanjima članova Sindikata?

Zbog svega uočenog, kao i činjenice da Sindikat nikada nije izradio Finansijski izvještaj - pokrenula sam postupak provjere svih finansijskih transakcija kod SIPA-e, te sam podnijela krivičnu prijavu za zloupotrebu položaja od strane M.Osmića pri Tužilaštvu BiH.

2. Upravni odbor SS je donio Odluku o mom isključenju iz članstva Sindikata (prilog-1.) Odluka je donesena na gore opisani način, a kao što vidite iz same Odluke, **nema osnovnih elemenata (zaglavlja, broja protokola, nema memoranduma SS, ali ima dva pečata** – obzirom da je Mehmedalija Osmić "vlasnik" pečata...). Odluku sam dobila iz Tuzle (sjedište i rukopis na koverti M.Osmića), sa potpisom Djurađa Krpić (kao Predsjednika Upravnog odbora), nadalje nikakva procedura oko toga nije sprovedena, jedino na šta se poziva je navodno moje citiram "lažno" predstavljanje kao Predsjednika Skupštine: a **koliko je lažno potvrđuje Zapisnik sa 03. Redovne**

sjednice, broj 150/16 od 06.06.2016. godine, tačnije tačka 2. Zaključci 4., 5. i 6. (prilog-2), gdje sam glasanjem svih članova Skupštine dobila većinu glasova i jedina među prisutnim legalno izabrana (a ne imenovana).

Razlog navodnog isključenja je taj što sam “u javnosti prezentirala neistine te na taj način djelovala protivno ciljevima i interesima Sindikata, kršeći odredbe Statuta...”, a prvi put sam javno dala iskaz dana: 08.02., u Oslobođenju za tekst objavljen: 09.02.2017.godine. Napominjem da Odluka nosi datum 21.01.2017. što znači da je gospoda morala biti “vidovita” i pretpostaviti da ću se obratiti javnosti, čak petnaestak dana prije moga oglašavanja...

Molim da ispitajte zakonitost i utemeljenost donošenja ove Odluke, da li je u skladu sa propisima iz radnog odnosa i ostalim pozitivnim zakonskim propisima. Također, ističem da je sve to urađeno smišljeno, jer na ovaj način me direktno onemogućava da kao Predsjednik Skupštine SS prisustvujem i sazivam zasjedanje Skupštine, a sebi je dao lagalitet da lično on, Mehmedalija Osmić sazove Skupštinu za dan 25.02,2017.godine, sa dnevnim redom koji također dostavljam u prilogu (prilog-3), a što se kosi sa Statutom.

3. Samovolju Predsjednika potvrđuje i činjenica da pristupnice novih članova Sindikata posmatra selektivno – uopće neće u Sindikat da uključi radnike iz RC Sarajevo. To potvrđuju i ove pristupnice, potpisane i direktno u Sindikat upućene prije više od pola godine (prilog-4) – a ovi službenici (I ko zna koliko njih još...) još uvijek nisu članovi Sindikata (dokaz: ne odbija se članarina kroz platne liste), te je i u ovom smislu privatizacija Sindikata od strane ove osobe i više nego očigledna.

4. Molim da izvršite uvid i provjerite sve obavezne (proipsane) akte: planove i programe razvoja Sindikata, poslovnike o radu svih tijela Sindikata, programe rada, odluke, zaključke i smjernice, zapisnike sa održanih sjednica, planove i odluke prihoda i rashoda, kao i izvještaje o radu, za svaku kalendarsku godinu. Molim da izvršite uvid u Spisak i jedinstvenu evidenciju članova Sindikata – iz člana 14. Statuta (koja do danas nikome nije bila poznata).

**Molim da nam odgovorite: da li predsjednik Sindikata ima sva ta ovlaštenja i da li može postupati na opisani način, pogotovu što on lično krši zakon, ne ispunjavajući svoje obaveze i zadatke propisane Statutom?.**

**Molim da utvrdite pravno uporište njegovih jednostrano donesenih odluka, pogotovu što sve to čini na gore opisani način već dugi niz godina.**

**Ponovo ističem da je Sindikat udruženje koje treba da okuplja službenike UINO, radi zastupanja i ostvarenja interesa iz radnog odnosa, a nije privatno udruženje Mehmedalije Osmića i njegovih nekoliko visoko pozicioniranih istomišljenika.**

S poštovanjem,

Prilozi: kao u tekstu, (1-4),

**Predsjednik Skupštine SS UINO  
Šef Grupe za kontrolu:**

Ana Mrnjavac



Broj: UP10-07-12-234/17  
Sarajevo, 28.02.2017. godine

**SAMOSTALNI SINDIKAT DRŽAVNIH SLUŽBENIKA I ZAPOSLENIKA U UPRAVI  
ZA NEIZRAVNO OPOREZIVANJE BOSNE I HERCEGOVINE**

Bana Lazarevića bb  
78 000 Banja Luka

**Predmet:** Zapisnik o inspekcijskom nadzoru, dostavlja se

Upravni inspektorat Ministarstva pravde Bosne i Hercegovine je dana 05.01.2017. godine zaprimio zahtjev Ane Mrnjavac, šefa Grupe za kontrolu, Odsjeka za carinske poslove, UNO BiH, RU Sarajevo, za vršenje inspekcijskog nadzora, a 13.02.2017. godine i dopunu prvobitnog zahtjeva za vršenje inspekcijskog nadzora.

U skladu sa svojim zakonskim ovlaštenjima, upravni inspektori su temeljem članka 47. stavak (8) Zakona o udrugama i zakladama („Službeni glasnik BiH“, br. 32/01, 42/03, 63/08, 76/11 i 94/16), a u vezi s člankom 86. Zakona o upravi („Službeni glasnik BiH“, broj 32/02 i 102/09), izvršili inspekcijski nadzor u Samostalnom sindikatu državnih službenika i zaposlenika u Upravi za neizravno oporezivanje Bosne i Hercegovine (u daljnjem tekstu: SS UNO), o čemu je sačinjen zapisnik broj: UP10-07-12-234/17 od 15.02.2017. godine.

U skladu s odredbama članka 75. stavak (3) Zakona o upravi („Službeni glasnik BiH“, broj 32/02 i 102/09), u prilogu ovog akta vam dostavljamo primjerak zapisnika o izvršenom inspekcijskom nadzoru u SS UNO-e, broj: UP10-07-12-234/17 od 15.02.2017. godine, radi upoznavanja sa sadržajem istog.

Dostavljanjem navedenog zapisnika inspekcijski nadzor po ovom predmetu se smatra okončanim.

S poštovanjem,



Upravni inspektor  
*Ivana Ljubičić*  
Ivana Ljubičić

**Prilozi:**

- Zapisnik o inspekcijskom nadzoru, broj: UP10-07-12-234/17 od 15.02.2017. godine

**Dostaviti:**

- Samostalni sindikat državnih službenika i zaposlenika u Upravi za neizravno oporezivanje BiH  
Ul. Bana Lazarevića bb, 78 000 Banja Luka
- u predmet.



Broj: UP10-07-12-234/17  
Sarajevo, 15.02.2017. godine

**Z A P I S N I K**  
**o inspeksijskom nadzoru**  
**u Samostalnom sindikatu državnih službenika i zaposlenika u Upravi za neizravno oporezivanje Bosne i Hercegovine**

Na osnovu ovlaštenja iz članka 47. stavak (8), a u vezi sa čl. 84. Zakona o upravi („Službeni glasnik BiH“, broj 32/02 i 102/09) i čl. 13. alineja 9. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 45/06, 88/07, 35/09, 59/09 i 103/09), po službenoj dužnosti, a u vezi sa zahtjevom za vršenje inspeksijskog nadzora koji je 05.01.2017. godine Upravnom inspektoratu Ministarstva pravde Bosne i Hercegovine uputila Ana Mrnjavac, vrši se inspeksijski nadzor u Samostalnom sindikatu državnih službenika i zaposlenika u Upravi za neizravno oporezivanje Bosne i Hercegovine, (u daljnjem tekstu: SS UNO).

Inspeksijski nadzor vrše upravni inspektori Ivana Ljubičić i Emir Mehmedović.

Inspeksijski nadzor vrši se u Banja Luci.

Inspeksijski nadzor započinje u 12:00 sati.

Inspeksijskom nadzoru u ime SS UNO prisustvuje predsjednik SS UNO Mehmedalija Osmić (u daljem tekstu: Predsjednik SS UNO-a).

Prije početka inspeksijskog nadzora, upravni inspektori postavljaju upit Predsjedniku SS UNO-a da li je upoznat sa sadržinom zahtjeva za inspeksijski nadzor. Predsjednik SS UNO-a izjavljuje da nije upoznat ni sa najavom nadzora, niti sa sadržinom navedenog zahtjeva, te da se danas u Banja Luci nalazi službeno, te je njegovo radno mjesto u Tuzli. SS UNO nema svoje prostorije, te vjerovatno zbog činjenice da je sekretar SS UNO na bolovanju nije informisan o najavi nadzora.

Upravni inspektori predsjedniku SS UNO daju na uvid zahtjeve za inspeksijski nadzor podnesene od strane Ane Mrnjavac od 05.01.2017. godine i 10.02.2017. godine. U vezi sa zahtjevima za inspeksijski nadzor predsjednik SS UNO-e izjavljuje:

Sindikata djeluje i radi u okviru zakona, vodi finansijske izvještaje i pripremljena je Skupština za 04.03. i jedna od tačaka je usvajanje finansijskog izvještaja, ali i pitanje javnih istupa Ane Mrnjavac, koja po statutu ne može u ime sindikata istupati u javnost. U međuvremenu, zbog javnih istupa Ane Mrnjavac ista je od strane Upravnog odbora isključena iz članstva sindikata, dok ću ja lično podići tužbu za klevetu, a što sam već dogovorio sa advokatom, te krivičnu prijavu zbog nanošenja štete ugledu sindikata i mene lično. Ima pravo žalbe Skupštini, koja o tome može odlučiti. Niti jedan od navoda nije istinit. Ubijeden sam da iza svega stoje ljudi koji su predmet

interesovanja istražnih organa i cilj je moja diskreditacija, imajući u vidu da sam svjedok u nekim postupcima. Ana Mrnjavac prije podnošenja prijave nije pokušala da se eventualni problem riješi u okviru sindikata. Ja sam bio voljan, nekoliko puta sam dolazio u Sarajevo, ali ista se nije javljala, te nismo imali priliku da o njenim primjedbama prodiskutujemo. Ja sam sve saznao iz novina, nije našla shodno ni poruku da mi pošalje, ima moj broj. Prije toga smo imali korektnu komunikaciju.

Upravni inspektori postavljaju upit da li SS UNO održava sjednice skupštine udruženja, te da li je dana 04.06.2016. godine održana redovna sjednica SS UIO?

Predsjednik SS UNO-e izjavljuje:

Sindikata održava sjednice skupštine, do sada je bilo 4-5 skupština, Nadzorni odbor je imao više sjednica, a na zadnjoj sjednici je usvojio finansijski izvještaj. Upravni odbor redovno održava sjednice, u pravilu svakih dva mjeseca. Što se tiče tačnog datuma kada je održana sjednica nisam siguran, moguće je da je bila 04.06.2016. godine, ali bez uvida u zapisnik ili drugu dokumentaciju ne mogu sa sigurnošću reći da je ista bila na taj datum.

Upravni inspektori postavljaju upit prijavljuje li SS UNO razrješenja i imenovanja novih članova organa SS UNO, radi upisa tih promjena u registar udruženja i fondacija koji vodi Ministarstvo pravde Bosne i Hercegovine?

Predsjednik SS UNO-e izjavljuje:

Sve promjene do zadnje izborne skupštine održane 2014. godine, uključujući i tu skupštinu, su prijavljene i registrovane kod Ministarstva pravde BiH. Nakon toga nije bilo izmjene u pogledu lica ovlaštenog za predstavljanje i zastupanje sindikata. Neposredno nakon izbora Ane Mrnjavac za predsjednicu skupštine, koju sam ja i predložio na tu funkciju, nekih par dana nakon skupštine, ista je na društvenim mrežama počela sa optužbama na rad sindikata. Nakon takvog istupa, svi članovi Upravnog odbora, te predsjednik Nadzornog odbora su me zvali i tražili njenu smjenu i isključenje iz članstva. Zbog takvog ponašanja, koje je na kraju rezultiralo i njenim isključenjem iz sindikata, nismo nikada podnijeli zahtjev za upis promjena. U svojim javnim istupima Ana Mrnjavac je često izlazila iz okvira njenih nadležnosti.

Upravni inspektori postavljaju upit da li SS UIO vodi spisak svojih članova?

Predsjednik SS UNO-e izjavljuje:

Naravno, vodi se spisak članova. Mi svojim članovima plaćamo osiguranje i on se na mjesečnom nivou revidira. Svaki mjesec spiskove članova sindikata šaljemo VGT Osiguranju.

Upravni inspektori postavljaju upit da li SS UIO sačinjava godišnji izvještaj o radu i finansijski izvještaj?

Predsjednik SS UNO-e izjavljuje:

Na zvaničnoj internet stranici sindikata postoji detaljan izvještaj o dosadašnjem radu sindikata. Upravni odbor konstatno razmatra problematiku sindikata i svaka značajnija odluka se objavi na stranici. Finansijski izvještaj koji je usvojio Nadzorni odbor je također na našoj stranici.

Upravni inspektori postavljaju upit da li je rad SS UNO javan i transparentan, odnosno da li su članovima udruženja, kao i javnosti dostupni podaci, informacije i isprave koje se odnose na rad sindikata?

Predsjednik SS UNO-e izjavljuje:

Rad sindikata je javan i transparentan, sve što radimo javno prezentujemo, prije svega putem naše internet stranice, ali i na drugi način. Predsjednik sindikata je desetine puta izlazio u javnost i prezentirao probleme sindikata. Svi članovi sindikata imaju pravo pristupa svim podacima, dokumentima i nije mi poznato da je ikome uskraćeno to pravo.

Upravni inspektori završavaju s inspekcijskim nadzorom, te postavljaju upit da li predsjednik SS UNO-e, na glasno čitanje zapisnika ima primjedbi na sačinjeni zapisnik i ima li nešto dodati.

Predsjednik SS UNO izjavljuje da nema primjedbi na zapisnik, te dodaje da je ponosan na dosadašnji rad sindikata, da je sindikat i on lično uradio dosta na polju borbe protiv korupcije, što je jedan od osnovnih i ciljeva sindikata. Ističe da je u svom aktu Ana Mrnjavac iznjela brojne laži, a sve u cilju nanošenja štete sindikatu i njegove lične diskreditacije. Nakon toga predsjednik SS UNO isti potpisuje.

Zapisnik je sačinjen u četiri istovjetna primjerka od kojih se jedan primjerak uručuje predsjedniku SS UNO, jedan primjerak će se dostaviti SS UNO-e, u skladu sa članom 75. stav (3) Zakona o upravi, a dva primjerka se zadržavaju za potrebe Upravnog inspektorata.

**Upravni inspektori**

  
Ivana Ljubičić

  
Emir Mehmedović

**Predsjednik SS UNO-e**

  
Mehmedalija Osmić





Broj: 10-07-12-155/17  
Sarajevo, 28.02.2017. godine

**n/r Ana Mrnjavac**  
**(Uprava za neizravno oporezivanje**  
**Regionalni centar Sarajevo**  
**Odsjek za carinske poslove**  
**Grupa za kontrolu)**

**Zmaja od Bosne 47 b.**  
**71 000 Sarajevo**

**Predmet:** Obavijest, dostavlja se

Dana 15.02.2017. godine, inspektori Upravnog inspektorata Ministarstva pravde Bosne i Hercegovine, su postupajući po Vašem zahtjevu, od 05.01.2017. godine, kao i dopuni zahtjeva od 13.02.2015. godine, za vršenje inspeksijskog nadzora u Samostalnom sindikatu državnih službenika i zaposlenika u Upravi za neizravno oporezivanje Bosne i Hercegovine (u daljnjem tekstu: SS UNO), izvršili inspeksijski nadzor u SS UNO-e, o čemu je sačinjen Zapisnik broj: UP10-07-12-234/17 od 15.02.2017. godine.

Nadležnost Upravnog inspektorata Ministarstva pravde Bosne i Hercegovine propisana je člankom 47. st. (8) Zakona o udrugama i zakladama Bosne i Hercegovine („Službeni glasnik BiH“, br. 32/01, 42/03, 63/08, 76/11 i 94/16), te ista obuhvata provođenje inspeksijskog nadzora u pogledu: prijava izmjena i dopuna statuta, ciljeva i djelatnosti, naziva, adresa, sjedišta, lica ovlaštenih za zastupanje i prestanak rada udruge ili zaklade; korištenja u pravnom prometu podataka koji nisu upisani u registar; održavanja skupštine udruge ili upravnog odbora zaklade; dostave finansijskog izvještaja nadležnom organu prema sjedištu i Ministarstvu pravde Bosne i Hercegovine; vođenja spiska članova, na način propisan Zakonom o udrugama i zakladama, te da li su udruge ili zaklade prestale djelovati u skladu sa člankom 51 a. istog.

Tijekom inspeksijskog nadzora upravni inspektori su, sukladno svojim ovlaštenjima, utvrdili sljedeće:

Da od Skupštine SS UNO-e održane 21.12.2014. godine nije došlo do promjena u pogledu izmjena i dopuna statuta, ciljeva i djelatnosti, naziva, adresa, sjedišta, kao i osoba ovlaštenih za zastupanje SS UNO-e. Jedina promjena do koje je došlo na Skupštini održanoj 04.06.2016. godine jeste promjena predsjednika skupštine SS UNO-e. Odredbom članka 43. stavak (1) Zakona o udrugama i zakladama propisano je da su udruge i zaklade dužne Ministarstvu pravde Bosne i Hercegovine podnijeti prijavu o svakoj promjeni činjenica koje se upisuju u registar, u roku od 30 dana od dana izvršene promjene., dok je odredbom članka 32. stavak (2) propisano da u slučaju kada je došlo do promjena činjenica koje se upisuju u registar, registrirana udruga ili zaklada ne može poduzimati bilo kakve radnje u pravnom prometu prije donošenja rješenja, odnosno upisa u registar činjenica koje se odnose na promjenu upisa. S obzirom na činjenicu da je odredbom članka 39. Statuta SS UNO-e propisano da SS UNO-e u pravnom prometu sa trećim osobama zastupa predsjednik SS

UNO-e, samo činjenica izmjene predsjednika SS UNO-e se upisuje u registar, dok se imenovanja drugih članova organa SS UNO-e ne upisuju u registar, te stoga ne postoji obveza dostavljanja promjena drugih organa SS UNO-e.

Nadalje, prilikom inspekcijskog nadzora predsjednik SS UNO-e je upravne inspektore informirao da SS UNO-e vodi evidenciju o svojim članovima, te da se ista, zbog činjenice da SS UNO-e uplaćuje osiguranje za svoje članove, ažurira na mjesečnom nivou. Naknadno je predsjednik SS UNO-e upravnim inspektorima svojim aktom od 20.02.2017. godine dostavio spisak članova SS UNO-e, na kojem su evidentirane 862 osobe.

U pogledu održavanja skupština SS UNO-e predsjednik SS UNO-e je upravne inspektore informirao da je prethodna Izborna skupština održana 21.12.2014. godine, dok je zadnja redovna Skupština održana 04.06.2016. godine. Sljedeća Skupština SS UNO-e zakazana je za 04.03.2017. godine, a prema njegovoj izjavi jedna od točki dnevnoga reda biti će i usvajanje financijskog izvještaja koji je sačinio Nadzorni odbor.

U pogledu obveze dostavljanja financijskog izvješća SS UNO-e Ministarstvu pravde Bosne i Hercegovine, odredbom članka 5. st. (5) i (6) propisano je da su udruge i zaklade dužne podnositi financijski izvještaj u skladu sa zakonom, drugim propisima i statutom nadležnom organu prema sjedištu udruge ili zaklade i Ministarstvu pravde Bosne i Hercegovine radi objave na internetskoj stranici Ministarstva, a najkasnije do 30. travnja tekuće godine za prethodnu poslovnu godinu. Prema izjavi predsjednika SS UNO-e Nadzorni odbor je krajem 2016. godine sačinio financijski izvještaj, koji će biti predmet razmatranja na narednoj skupštini, te će nakon toga biti dostavljen nadležnom organu i Ministarstvu pravde. S obzirom na činjenicu da još uvijek nije nastupio zakonski rok za dostavu istog, propisan odredbama Zakona o udrugama i zakladama, upravni inspektori su podsjetili predsjednika SS UNO-e na navedenu obvezu.

Shodno prethodno navedenom, pri tom imajući u vidu propisanu nadležnost postupanje Upravnog inspektorata u ovoj pravnoj stvari se smatra okončanim.

S poštovanjem,



**Dostaviti:**

- n/r Ana Mrnjavac (Uprava za neizravno oporezivanje, Regionalni centar Sarajevo, Odsjek za carinske poslove, Grupa za kontrolu)  
Zmaja od Bosne 47 b., 71 000 Sarajevo
- u predmet

Sarajevo, 20.03.2017.  
broj: 03/6-3/II-02-2-165-1/17

BOSNA I HERCEGOVINA  
MINISTARSTVO PRAVDE

Ministar, g-din: Josip Grubeša

Trg Bosne i Hercegovine broj 3/XV, Sarajevo

Predmet: PRIGOVOR NA RAD INSPEKCIJSKOG NADZORA – MOLIM VAŠE UKLJUČENJE

Ovim putem Vas osobno želim upoznati sa nepravilnostima i skrenuti pažnju na neprofesionalan rad od strane Inspeksijskog nadzora koji je "izvršen" od strane Vaših inspektora a čime su pokazali da su problematici pristupili krajnje nekorektno i površno. Naime, dajući punu vjeru Ministarstvu pravde BiH ukazala sam na niz nepravilnosti koje sprovodi Sindikat UNO BiH, tačnije ukazala sam na samovolju Predsjednika Sindikata, Mehmedlije Osmića.

Napominjem da sam svojim Zahtjevom bila i više nego precizna (*prilog 1.*), istakla sam sve propuste: proceduralne i suštinske, bez iznošenja finansijskih malverzacija koje, kako su mi rekli Vaši inspektori, nisu u nadležnosti Ministarstva Pravde BiH.

Istakla sam koliko je (sa svim manjkavostima koje sadrži) nepoštivanje Statuta upravo od strane onih koji su Statut donijeli. Rad Sindikata je netransparentan (čime je izravno narušen član 37. Statuta, kao i član 47 Stav (3) Zakona o udruženjima i fondacijama u BiH, uključujući njegove izmjene i dopune (u daljem tekstu: Zakon, "Sl.Glasnik BiH", broj: 32/01,42/03,63/08,76/11 i 94/16), nikada članove Sindikata nisu upoznavali o radu, finansijskim odlukama i trošenju sredstava: tri godine nisu podnijeli nikakvo Finansijsko izvješće – zbog čega sam pokrenula odgovarajuće postupke kod Državne Agencije za istrage i zaštitu, kao i u Tužilaštvu BiH.

Napominjem da Vaši inspektori, pozivajući se upravo na Statut (član 39.) da u "pravnom prometu sa trećim osobama Sindikat zastupa Predsjednik SS UNO", zanemaruju činjenicu da se protiv Predsjednika SS UNO upravo i tražio ovaj inspeksijski nadzor: te "Sebe" postavljaju kao "treću osobu" /ne kao inspeksijski nadzor/ i razgovor obavljaju isključivo sa Mehmedalijom Osmić, uzimajući isključivo njegove usmene iskaze kao validne i relevantne, a bez uvida u bilo kakvu dokumentaciju i provjeru istih.

Naime, prave dokumentacije nikada nije ni bilo, a ista je trebala biti predmet inspeksijskog nadzora. Spisak članova Sindikata je naknadno napravljen i dostavljen, 20.02.2017.godine. Odluke o imenovanjima, interne registre i podzakonske akte niko nije ni tražio, a kamoli pogledao.

Moju Dopunu Zahtjeva (*prilog 2.*), gdje sam priložila Odluku o mom isključenju, kao i Žalbu na istu – kojom sam ukazala kako je cijeli postupak sproveden nelegalno: niko od Vaših inspektora nije ni pogledao a kamoli razmatrao.

Kolika je površnost u ovom nazovimo inspeksijskom nadzoru pokazuje i sljedeća činjenica: Zahtjev za inspeksijskim nadzorom ukazuje kako 3 godine (2013. 2014. 2015....) nije izrađeno i ne postoji nikakvo Finansijsko izvješće čime je izravno narušen član 47.stav (8) pod e), kao i član 5.stav 4. Zakona - a Vaš inspektor hladno iznosi kako "rokovi još nisu istekli", te kako Finansijsko izvješće treba dostaviti do 30.04.2017.godine, zanemarujući sve tri ranije godine i rokove koji su već odavno prošli.

U svojoj Obavijesti (*prilog 3.*) Vaši inspektori ističu da se, citiram: "samo činjenica izmjene predsjednika SS UNO-e upisuje u registar, dok se imenovanja drugih članova organa SS UNO-e ne upisuju u registar, te stoga ne postoji obaveza dostavljanja promjena drugih organa SS UNO-

e", dok o istoj stvari u Zapisniku broj: 10/1-2/17 od 04.03.2017.godine, sačinjenom od strane tzv. Skupštine Sindikata UNO piše suprotno, Tačka Ad.1. stav 2. pod 2., citiram:

"- da su svi članovi Skupštine Sindikata i druga tijela u Sindikatu i kao takvi poimenično registrovani u redovnoj proceduri kod Ministarstva pravde BiH;

- da process registracije Ane Mrnjavac kao predsjednika Skupštine nije proveden u Ministarstvu pravde zbog njezinih neosnovanih i zlonamjernih istupa u javnosti, te nanošenja štete ugledu i jedinstvu Sindikata" (prilog 4.)

Ovakvim kontradiktornim stavovima Predsjednik Sindikata Mehmedalija Osmić iznosi neistine i drži ostale članove tijela Sindikata u zabludi, a jedini "moj grijeh" za navodno istupanje u javnosti (kojeg nije bilo) je taj što sam, kao predsjednik Skupštine tražila da se izrade Financijska izvješća (kako je opisano u Žalbi na Odluku, prilog 2.2).

Također, ističem da su sve putne naloge i ostalu nedostajuću finansijsku dokumentaciju falsifikovali – da bi "zatvorili" Financijska izvješća (za koje propuste bi Inspektorat trebao uključiti u Financijsku policiju)- tačka Ad.2. Zapisnika (iz priloga 4.)

Iz istog Zapisnika evidentno je da se ni u jednom dijelu nisu dotakli izrade Financijskog izvješća za 2016.godinu, a kakav je rad Predsjednika SS potvrđuje i tačka Ad.6. kojom se traži njegovo razrješenje.

I na kraju Obavijesti o inspekcijskom nadzoru ističe se kako postupanje Upravnog inspektora u ovoj "pravnoj stvari" smatraju okončanim, a da se u pravnu stvar uopće i nisu upustili.

Također, želim da iznesem nekoliko činjenica koje sam nedavno saznala, a koje se odnose na isto: Mehmedalija Osmić je zloupotrebom dobio Vaše rješenje (broj: 08-07-1-131/07 od 24.12.2012.godine), naime, nakon što je izbačen iz Sindikata zbog novčanih malverzacija i trošenja sredstava (što je činio i ranije u periodu od 2007. do 2010.godine), neovlašteno je zadržao pečat Sindikata i isti je iskoristio za lažno ovjeravanje dokumentacije i održavanje-sazivanje lažne Skupštine (od ljudi koje niko nije birao /nisu izabrani iz Regionalnih centara i SU/, pojedini čak nisu bili članovi Sindikata), ali je uspio prevariti Ministarstvo pravde BiH i doći do Vašeg rješenja. Prema saznanjima i ovaj postupak se rješava pri nadležnom Sudu.

Ovakvim postupanjem šalje se negativna poruka: da se Inspektorat ne bavi svojim poslom, te da Ministravstvo pravde BiH nema nikakav legitimitet nad nepravilnostima u radu Sindikata, iako su izvršili njegovu registraciju, a što bi trebalo ispitati: na koji način?!, te u vezi s istim izvršiti kontrolu ispravnosti njegovog funkcionisanja.

Molim Vas da poduzmete konkretne radnje na rasvjetljavanju ovih slučajeva, pogotovu što ovakvim radom Inspekcija narušava ugled, ne samo Inspektoratu, nego Ministarstvu pravde u cjelini i Vama osobno kao Ministru, a podstiče zloupotrebe i samovolju od strane gore imenovanog pojedinca.

S poštovanjem,

Prilozi: kao u tekstu, (1-4),

Predsjednik Skupštine SS-UINO,  
Šef Grupe za kontrolu:

  
Ana Mrnjavac